

## کلیات شاہ عظیم

شاہ عظیم اُنیسویں صدی دے نامور شاعر ہن پر ایں صدی دے پہلے پنجاہ سالان وچ لوک ادب تے شاعری دی طرف جیہڑی ساڈے کولوں غفلت تھئی ہے، اوندی وجہ نال اساں جیویں پچھلی صدی دے بہوں سارے لوک ادبیاں شاعراں کُوں بھل گئے ہیں۔ ایویں اوہناں کوں وی اساں بھل گئے ہاسے تے ہُن تائیں کہیں ادبی تذکرہ وچ وی اوہناں دا ذکر نہ ہائی جد کہ پنجاب دے چار پنج جنوبی ضلعیاں وچ دیہات دے لوکاں کوں شاہ عظیم ہوریں دیاں واراں کتھائیں کتھائیں یاد ہن۔ میں 1970ء دے ڈہاکے وچ جیہڑے ویلے نواب مظفر خاں شہید ملتان دی حیاتی اُتے کم پیا کریندا ہم تاں جیہڑے ویلے میں نواب شہید دی زندگی دے اُتے شعری مواد اکٹھا کرنا شروع کیتا تاں میڈا وی شاہ عظیم ہوریں نال تعارف تھیا پر ایہہ تعارف صرف ناں دی حد تک، اوہناں دا جھنگ نال تعلق دی حد تک، تے گجھ پوڑی مظفر خان دے بندہ ن دی حد تک تھیا۔

پچھلے سال (1990ء) سعید بھٹا ہوریں نال ملاقات تھئی تے اوہناں دا شاہ عظیم دی پھول وچ جذبہ دیکھ کے میکوں یقین تھیا کہ منزل دے نیڑے پہنچ گئے ہن۔ اوہ ثابت قدم دُونگھے کھوجی نظرے جو گولیندے گولیندے میں ناچیز تک وی اپڑے۔ گالھیں کریندیاں پتہ چلیا کہ جیہڑے شخص نال وی شاہ عظیم دا تھوڑا جیہا تعلق اوہناں کوں معلوم تھے، اوہ پتہ ہن۔ میں کوں تحقیق آہدے ہن۔ سعید بھٹا ہوریں دی تحقیق دے مطابق پوڑی مظفر خاں ڈواری چھپی ہائی، جیں دے وچوں ہک واری اکیوں صابر ملتان ہوریں وی چھپوائی ہائی۔ ایہہ مولوی صابر ملتان سرانیکی زبان دیاں کئی کتاباں دے ناشر ہن تے ایندا حوالہ ”سرانیکی کتابیں“ از علامہ سیٹھ محمد عبید الرحمن بہاولپوری وچ ملدا ہے۔ میں کئی ورھے پہلاں ہک سرانیکی مطبوعہ کتاباں دی فہرست وچ

پوڑی مظفر خان دا حوالہ ڈٹھا ہئی۔ جیہڑی ملتان دے مشہور لوک ادب دے ناشر مولوی فیض بخش محمد ذوالفقار تاجران کُتب اندرون پاک دروازہ ملتان دی مطبوعہ کتاباں دی فہرست ہائی۔ میں ول ایں کتاباں دے تاجر دے گودام دی بہوں پھلپوٹ کیتی پر پوڑی نہ ملی۔ ہُن سعید بھٹا دی ہمت نال پاکستان پنجابی ادبی بورڈ دے ذریعہ ”کلیات شاہ عظیم“ شائع تھیون نال میڈا ایہہ کم بہوں اگوہاں تھی پیا ہے۔ ”کلیات شاہ عظیم“ میڈے سامنے ہے۔

سعید بھٹا ہوریں نے بہوں محبت تے محنت نال ”کلیات شاہ عظیم“ کٹھیاں کر کے تے شاہ عظیم دی زندگی اُتے کم کر کے شاہ عظیم ہوریں گوں اوہ مقام ڈیوایا ہے، جیں دے اوہ حق دار ہن۔ 104 صفحیاں دی کتاب ایچھے کاغذ، سوہنے تے من موہنے ٹائیکل نال پاکستان پنجابی ادبی بورڈ نے شائع کیتی ہے۔ پہلے اُنوی صفحیاں وچ کتاب دی تصنیف دی وجوہات، شاہ عظیم دے خاندانی حالات، شاہ عظیم ہوریں دا کرسی نامہ تے اوہناں دی زندگی دے حالات تفصیل نال لکھ کے سعید بھٹا نے اوہناں کوں نویں زندگی ڈے ڈتی ہے۔ ہک باب پوڑیاں دی صنفِ سخن دے تعارف تے وی لکھو نیں۔ میں سعید بھٹا ہوریں نال اتفاق کرینداں کہ سرائیکی یاں لہندی وچ وار دا لفظ کئے نی۔ میں ڈکشنریاں ڈٹھم میکوں وار دا لفظ نہیں ملیا۔ البتہ بھائی مایا سنگھ دی پنجابی ڈکشنری وچ وار دا لفظ اپنے صحیح معنیاں وچ موجود ہے پر سرائیکی تے لہندی بولن والے وار دے لفظ دے کولوں ان واقف وی کئے نہیں۔ سعید بھٹا دا ایہہ نتیجہ کہ پوڑی تے وار کو صنفِ سخن ہے ہر لحظ نال صحیح ہے تے ہن کو انگریزی وچ (WAR-BALLAD) آہدے ہن۔

”کلیات شاہ عظیم“ دے مجموعہ دی ابتدا سا ہیوال دی پوڑی نال شروع تھیندی ہے۔ ڈوجھی پوڑی احمد خاں سیال دی ہے۔ ایندے بعد پوڑی مظفر خاں 56 بنداں تے مشتمل ہے۔ آخر وچ ایں مجموعہ کلام وچ شاہ عظیم دے 9 ڈوہڑے مکمل تے ڈونا مکمل ہن۔ حوالہ جات نال گل یارھاں ڈوہڑے ایں کم دی سونی تکمیل تھی گئی ہے۔ کتاب دے ختم تھیون کولوں پہلوں فاضل مرتب نے شخصیات دا تعارف تے مشکل الفاظ دے معنیاں دی ہک فہرست شامل کر کے کتاب

دی افادیت بہوں ودھا ڈتی ہے۔ حالیں بہوں سارے مشکل لفظ ہن، جیہناں دے معنی درج تھیو نے چاہیدے ہن۔ ایویں شاہ عظیم دا طرزِ سخن، جیہڑا دکھرا ہے دے بارے وچ ہک باب ہونا چاہیدا ہئی۔ حسد دی بھاہ وچ ستر دے بہوں سارے کیڑے کڈھے ونج سگیندے ہن پر ایہہ ادبی خدمت ہرگز نہ ہوسی۔ کتاب دے مطالعہ تے مرتب دی محنت ڈکھ کے بہوں خوشگوار اثر پیدا تھیندا ہے۔ سعید بھٹا ہوریں نے 19 ویں صدی دے سرائیکی یا لہندی دے ہک شاعر دی بھال کر کے اوہناں کول امر بنا کے سرائیکی زبان دی خدمت کیتی ہے تے اکیوں پاکستان پنجابی ادبی بورڈ نے شائع کر کے پنجاب دے لوک ادب دے ذخیرہ کول بہوں ودھایا ہے تے ایں کم دا کوئی مل نہیں ہوسکدا۔